

BAKARKA...

Ama Bakarti,
Gure biotzez egarti,
Miñez zaitut ikusi
Arantzean nik.

Belaun naukazu
Giz' arazoz bestetsu,
Zure gogoz leiatsu...
Zeruz goseti
Ama ezti!

"Besarka nazak
Illunpe ori!
Goxo esaka,
Egon nadin
Arantzaz batki.

Natzakiok ken
Algarari!
Biotz-ler omen
Senti nadin
Ene Amarekin.

Ene biotz aundi:
Beste maitez
Ago ixilik.
Mari duk ik
Gaur, maite labi.

Iduri bizi:
Egizak uts
Ene barnean.
Izan, bakarki
Gaitezen bi,
Ama ta ni."

Gau
Illun!
Bakar
Iñun!
Dut
Mari
Ene lagun!

Nik: "Mintza zaitez lehen.
Zure itz ezteiei
Darien zoramenez,
Senti nadin emen."

Marik: "Zorion!, zuri luzatuki
Eman dut asier.
Asier ta amai
Ala ba litez!

Egarri naiz
Arantzetik
Egin nuen dei.
Ordun ta gaur
Berdin nabil.

Ixur-ixuri
Malkotan bil!
Baña ... zer nereei?
... utskeri bailitz
Obenpe dabiz
Igeri.

Egun dut Nik
Barnean miñ
Iñoiz ez bezain aundi!
Berriz biotza dit
Arantzak ideki.

Miñez baño pozik
Dut biotza iturri.
Maitasuna ixuriz
Biotz garbigarri dedin ...
... baña negarra darit!

Ez dut iñor eskari,
Aitzitik, bai, gaitzeslari.
Jauna, entzun akit:
Bizitz ok
Nolatan irabazi?".

Nik: " Ama, onatx ni
Askets-eskari:
Pekatari, baña
Damuz beterik.
Ni ta guzinongan
Ixur ur garden ori!

Arantzez josirik
Gaude etsi-etsi.
Arantz-mota askok
Naukate esi,
Espetxerako bainintz.

Ni, diru t'aragi,
Iru alde batetik
Egar-piztugarri.
Zure Jesus bestetik
Ok eragozten neri.

Guda bizia!
Dirua nai t'ezin.
Aragi puska, ta berdin!

Neu gallendu nai,
T' alperrik!

Iru iltzez lurriari
Gauzkatzu josirik.
Oso zait gaitz
Aske izatea beti.
Ama lagun neri!

Obendun naiz,
Eriotza dut ondo irabazi.
Eriotz ta su izango ote
Niretzat beti?
Ama, erruki,
Lagun neri.

Bereziartua tar Iñaki
Prantziskotarra.

